

舊志序



夫志猶史也一邑之事罔不畢載  
至於

朝廷慶惠之典

上臺循良之政凡有裨於地方民生  
者皆大書特書以昭一時而傳萬

序

世誠鉅典也然修纂則有未易言

者矣嘉孝賦性魯鈍學未明乎經

術才不達於政事謬叨一命蒞茲

鳳邑甫下車見人民遷徙田野荒  
蕪惴惴然以不稱厥職是懼

上臺念其初入仕籍而匡救不遠雖

黽勉從事而終無濟於民瘼蒙

皇上覆載之仁發內帑蠲正賦旣而給  
牛給種湛恩汪濊直與唐虞比隆  
矣

督撫司道諸大臣以暨郡邑未吏仰  
承

序

二

德意奉行惟謹招流亾勸開墾去歲秋  
成大稔民有起色乃相議曰吾儕  
之有今日皆

皇上噢咻之

上臺撫字之出諸溝壑而登諸衽席  
者也爰建

壽亭於城東以爲歲時拜祝之地復  
立碑通衢以誌

上臺仁愛政蹟區區草野之誠固不  
足報蒼萬一然小民歌功頌德之  
情可見於此矣邑紳士謁嘉孝而  
言曰鳳邑無志百有餘年凡典禮

序

三

賦稅戶口風俗循令鄉賢以及閭  
巷忠孝節烈漸就湮沒屢請公修  
墓公遜謝稱不敏者再三矣今荷  
皇上軫恤之弘恩

上臺撫綏之嘉政且自康熙元年以  
來賜扁額以光學宮增樂舞以崇

聖道衰先儒之裔舉耆老之典流捐  
祖之惠種種善政皆三代而下所  
罕覩雖史臣珥筆自與帝典王謨  
不朽而鳳邑屢蒙其澤倘邑志弗  
載何以俾百世後深山僻壤之民  
相與傳誦於無窮哉 嘉孝 瞿然曰

序

四

是予之責也夫是予之責也夫乃  
與二三同志將鳳邑事蹟人物遠  
者考之書籍近者訪之聞見首書

皇上及

上臺之隆恩盛舉而邑事之當載者  
并次第序之閱五月而事竣彙為

十卷存其梗槩雖然修纂誠有未  
易言者矣况嘉孝才學謙陋敢謂  
是書之備善乎若夫綴殘補缺匪  
事增華是深有望於後之君子

晉

康熙二十二年歲次甲戌閏五月穀

序

五

日文林郎知鳳翔縣事汝陽王嘉  
孝撰



重修鳳翔邑志序

今

天子御極之六年

詔行各直省訪求忠孝節義之遺逸於  
下而未彰者輯入省志以付史館  
所以闡幽發隱甚

鳳翔縣志 序

盛典也於是秦省推

糧臺主其事而檄下各郡縣咸命  
修之 鏞 適承乏扶風之首邑既以  
傳詢於民因取前令王君所編邑  
志而討論焉見其所載本邑人物  
莫不魁岸秀偉代不乏人即現今

百年內如袁經畧劉侍御之忠節  
張雞山之高隱其他匹夫匹婦名  
義所關無不凜然保持有之死而  
靡他者嗚呼可謂義矣扶風故爲  
文武之舊治其所以甄陶於禮義  
名教之中感奮激發與頑而立懦

者固至今猶有然者乎惟是甲科  
寥寥已數十年僅有一二人豈山  
川偶有餘澤抑斯人自情其修故  
致然歟乃於辛亥歲

郡守任公旣捐修試院七十餘間  
又特延名孝廉訓迪孤寒之士余

亦勉効建義塾於署左並各鄉分  
設共十二處一時人士頗蒸蒸向  
風矣旣又隨 公巡歷城頭見雍  
山西起湖水東流南原環抱於前  
栢林君坡等峰屏倚於後信乎人  
傑固地靈哉於是邑紳士言曰城

形如鳳西北舊有鍾樓圯已久請  
得而新之又術者言東湖宜瀦水  
而於其下流立一塔以收其氣再  
移演武場於城之西則文武科名  
皆利矣 郡尊與 別駕王公皆  
然之余乃復揚言於衆曰爾知山

水之靈能鍾毓於人矣抑知人之  
善惡淑慝能轉移夫山水乎夫豪  
傑之士雖無文王猶興況今日岐  
陽鐘鼓振古如新而

聖天子養士作人之澤涵育深厚遠邁  
當年則人才濟濟應

昌期而黼黻

休明端有在矣願思所以無負此山川  
者可也多士勉乎哉旣而邑志告  
成因書此以弁其首云 時


雍正十一年歲次癸丑重九日

韓鏞謹撰



西至沂陽縣界四十里

# 鳳翔縣境圖



鳳翔縣治圖



鳳翔縣志

鳳翔縣志

東至岐山縣界四十五里


卷之一 境圖

二



鳳翔縣志

卷之一 治圖



鳳翔縣志目錄

卷之一

輿地志

天文

地理

沿革

疆域

形勝

山川

古蹟

陵墓

卷之二

建置志

萬壽亭

城池

公署

學校

祀典

倉庾

津梁

監獄

里保

村鎮

鳳翔縣志

目錄

六

街市

卷之三

政治志

賦稅

蠲賑

學田

驛鋪

庶務

風俗

婚喪歲時附

物產

卷之四

爵秩志

封建

官績

秩官

卷之五

選舉志

博士 進士 舉人 貢士 國學

監封 廕子 諸生 徵辟 賓介附壽官

史員

卷之六

人物志

皇后尚主 經濟 將畧 遊藝 曆美

方伎 流寓 曲紀 反覆

卷之七

鳳翔縣志 目錄

七

行誼志

孝弟 義俠 節烈 義僕

卷之八

經武志

科目 勳爵 武備 兵革

卷之九

藝文志

記 序 傳 書 疏 詔 議

詩

卷之十

外紀志

機祥

災異

仙釋

祠廟

梵宇琳宮附

雜事

鳳翔縣志卷之一

輿地志

前志曰邑爲周秦故土上應井絡南通褒斜西達伊京背  
岐山面渭水亦關西一都會也振古以來其沿革亦屢  
更矣要之爲王畿肱肱重地則一也周召之所經營蹇  
叔由余之所馳騫由漢以迄隋唐割據分裂事蹟難以  
更僕然土厚水深民俗敦朴闕雖麟趾之化其猶有存  
焉者乎志輿地

按天官書東井與鬼爲雍州之域又曰秦之疆域太白占狼  
弧又曰秦晉好用兵復占太白孟康曰秦晉西南維之北爲  
陰與胡貉月氏旃裘引弓之民同故好用兵地理志曰秦地  
於天官東井與鬼之分野其界自弘農故關以西京兆扶風  
馮翊北地上郡西河安定天水隴西南有巴蜀廣漢犍爲武  
都西有京城武威張掖酒泉墩煌又西南有牂柯越雋益州  
皆宜屬焉又曰自井十度至柳三度謂之鶉首之次秦之分  
也又陳卓著魏郡國所入宿度自東井十六度起至柳八度  
鳳翔縣志

卷之一

十

爲鶉首於辰在未秦之分野屬雍州歷代占驗皆然則鳳翔  
之屬東井與鬼無疑也

地理

漢書曰中國山川東北流其維首在隴蜀尾沒於渤海碣石  
是以秦晉好用兵 河圖曰九州殊題雍冀合商羽端駛烈  
人聲健其泉辛以鹹 過秦論曰秦地披山帶河以爲固四  
塞之國也自穆公以來至於秦王二十餘君常爲諸侯雄豈  
世世賢哉其君使然也 通考曰雍州之地四塞爲固披山  
帶河秦氏資之遂平海內 周禮職方曰南宜牛馬